



Հաստատված է

ԵՊՀ ԻՄ գիտական խորհրդի 2012թ.

մայիսի 12 ի նիստում /արձ.բ

ԵՊՀ ԻՄ գիտական խորհրդի նախագահ Ս.Ա. Ենարի

ԱՇԽԱՏԱԿԱՐԳ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԻԶԵՎԱՆԻ ՄԱՍՆԱՃՅՈՒՂԻ ԳԻՏԱԿԱՆ ԽՈՐՀՐԴԻ ՄՐՑՈՒԹԱՅԻՆ ՄՇՏԱԿԱՆ ՀԱՆՁՆԱԺՈՂՈՎԻ

I. ԸՆԴՀԱՆՈՒՐ ԴՐՈՒՅԹՆԵՐ

- 1. Երևանի պետական համալսարանի Իջևանի մասնաճյուղի գիտական խորհրդի մրցույթային հանձնաժողովը (այսուհետ՝ հանձնաժողով) իր գործունեությունն իրականացնում է Հայաստանի Հանրապետության օրենսդրությանը, ԵՊՀ ԻՄ կանոնադրությանը, ԵՊՀ ԻՄ ներքին իրավական ակտերին և սույն աշխատակարգին համապատասխան;
- 2. Հանձնաժողովի գործունեության նպատակն իր կանոնակարգման ոլորտի հարցերի ուսումնասիրումը և դրանց վերաբերյալ եզրակացությունը գիտական խորհրդին ներկայացնելն է;
- 3. Հանձնաժողովն իր ոլորտին վերաբերող հարցերը քննարկում է ԵՊՀ ԻՄ գիտական խորհրդի և/կամ տնօրենի հանձնարարությամբ:
- 4. Հանձնաժողովի գործունեության ժամկետի և կազմի հաստատումը, ինչպես նաև դրանց փոփոխություններն իրականացվում է ԵՊՀ ԻՄ գիտական խորհրդի կողմից:

II. ՀԱՆՁՆԱԺՈՂՈՎԻ ԳՈՐԾԱՌՈՒՅԹՆԵՐԸ

- 5. Հանձնաժողովի գործառույթներն են.
 - 1) եզրակացություն տալ ԵՊՀ ԻՄ թափուր պաշտոնների համար հայտարարված մրցույթում թեկնածուների կողմից ներկայացված փաստաթղթերի համապատասխանության վերաբերյալ,
 - 2) եզրակացություն տալ պրոֆեսորի կամ դոցենտի գիտական կոչման թեկնածուների կողմից ներկայացված փաստաթղթերի ՀՀ կառավարության կողմից հաստատված «Հայաստանի Հանրապետությունում գիտամանկավարժական կադրերին պրոֆեսորի և դոցենտի գիտական կոչումներ շնորհելու կարգին» համապատասխանության վերաբերյալ,
 - 3) իրականացնել ՀՀ օրենսդրությամբ, սույն աշխատակարգով և ԵՊՀ ԻՄ ներքին իրավական ակտերով իրեն վերապահված այլ լիազորություններ;

III. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

6. Հանձնաժողովն իր գործունեությունը կազմակերպում է նիստերի միջոցով, որոնք հրավիրվում են ըստ անհրաժեշտության; հանձնաժողովի առաջին նիստը հրավիրում է տնօրենը, որի ընթացքում ընտրվում է հանձնաժողովի նախագահ:

հանձնաժողովի նիստերը հրավիրում է հանձնաժողովի նախագահը:

7. Հանձնաժողովի նիստերն իրավագոր են, եթե դրանց մասնակցում է հանձնաժողովի անդամների երկու երրորդը:

հանձնաժողովում որոշումներն ընդունվում են հանձնաժողովի նիստին ներկա անդամների ձայների պարզ մեծամասնությամբ: Ձայների հավասարության դեպքում հանձնաժողովի նախագահն ունի վճռորոշ ձայնի իրավունք:

8. Հանձնաժողովի նախագահի բացակայության դեպքում նիստը վարում է նրա կողմից նշանակված հանձնաժողովի անդամը:

9. Հանձնաժողովի նիստերն անցկացվում են հանձնաժողովի նախագահի կողմից առաջարկվող օրակարգով:

IV. ՀԱՆՁՆԱԺՈՂՈՎԻ ՆԱԽԱԳԱՀԸ

10. Հանձնաժողովի նախագահը՝

1) հրավիրում և վարում է հանձնաժողովի նիստերը,

2) համակարգում է հանձնաժողովի որոշումների ընդունման գործընթացը,

3) ԵՊՀ ԻՄ գիտական խորհրդում ներկայացնում է հանձնաժողովի

եզրակացությունները,

4) իրականացնում է ԵՊՀ ԻՄ ներքին իրավական ակտերով և սույն աշխատակարգով նախատեսված այլ լիազորություններ:

V. ՀԱՆՁՆԱԺՈՂՈՎԻ ԱՆԴԱՄԸ

11. Հանձնաժողովի անդամը՝

1) մասնակցում է հանձնաժողովում բարձրացված հարցերի քննարկմանը,

2) հանձնաժողովում անցկացված քննարկումների հիման վրա քվեարկությունների միջոցով մասնակցում է որոշումների ընդունմանը,

3) հանձնաժողովի որոշմամբ ԵՊՀ ԻՄ գիտական խորհրդում ներկայացնում է հանձնաժողովի եզրակացությունները,

4) իրականացնում է ԵՊՀ ԻՄ ներքին իրավական ակտերով և սույն աշխատակարգով իրեն վերապահված այլ լիազորություններ:

12. Հանձնաժողովում քննարկված հարցերի վերաբերյալ հանձնաժողովի անդամը կարող է ունենալ հատուկ կարծիք և այն ներկայացնել ԵՊՀ ԻՄ գիտական խորհրդի նիստում: